



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO



Pranimar / Dorezuar Prinijeto / Prodato Received / Delivery	21. 11. 2022	2	viti god year
Organ / Njësia Organ / Jedinica Org / Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKIMBETEK	7260/2022		114



## Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.874/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosijen e Ankesave i përbërë nga: Eshref Shabani-kryetar, Jeton Koca dhe Ardita Haxhnikaj Demi-anëtarë, me Çlirim Zeka-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën A.nr.874/2022 të datës 07.10.2022, të parashtruar nga ankuesi Drejtoria e Inspektionit zyra nr. 89 Mitrovicë, kundër organit të punësimit, Komuna e Mitrovicës së Jugut në çështjen juridike “Kërkesë nga Marrëdhënia e Punës”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 21.11.2022, mori këtë:

### V E N D I M

- I. Aprovohet si e bazuar ankesa me numër A.nr.874/2022 e datës 07.10.2022 e parashtruar nga ankuesi
- II. Obligohet Kryetari i Komunës së Mitrovicës, që brenda afatit prej pesëmbëdhjetë (15) ditësh nga data e pranimi të këtij vendimi, të inicioj veprimet e nevojshme ligjore për harmonizimin e koeficientit të nëpunësit civil nga koeficienti gjashtë (6) në koeficientin tetë (8).
- III. Këshilli i Pavarur Mbikëqyrës për Shërbimin civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

### A r s y e t i m

Ankuesi është i punësuar në Komunën e Mitrovicës së Jugut, sipas Akt emërimit të datës 28.03.2013 me numër protokoli 01-112-7604 në pozitën “Inspektor i Tregut”, në Drejtorinë e Inspektionit. Me datën 22.09.2022 përmes shkresës me numër referencë 01-120/04-0087009/22, i është drejtuar me kërkesë Njesisë së Burimeve Njerëzore në Komunën e Mitrovicës, lidhur me harmonizimin e koeficientit nga gjashtë (6) në tetë (8). Ndërsa Njësia e Burimeve Njerëzore të kësaj



Komune me datën 26.09.2022 përmes shkresës me numër referencë 01-120/04-0087009-2/22 i është përgjigjur ankuesit lidhur me kërkesën e tij për harmonizimin e koeficientit dhe e ka refuzuar të njëjtën.

I pakënaqur me përgjigjen e Komunës së Mitrovicës konkretisht Njësisë së Burimeve Njerëzore, me datën 05.10.2022 përmes Postës së Kosovës ka parashtruar ankesën A.nr.874/2022 me numër të protokollit 5958/2022 në Këshillin e Pavarur Mbikëqyrës për Shërbimin Civil të Kosovës, e cila në Këshill është pranuar me datën 07.10.2022, me pretendimet ankimore për harmonizimin e koeficientit nga gjashtë (6) në tetë (8), për shkak të shkeljeve të dispozitave materiale, dispozitave procedurale dhe diskriminimit në shpërblim të pagës konform kategorisë, nivelit profesional dhe gradës.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 14.10.2022 ka dërguar kërkesën për përgjigje në ankesë tek Komuna e Mitrovicës, ndërsa Këshilli më datë 01.11.2022 me numër protokollit 6617/2022 përmes e-mailit zyrtar, ka pranuar përgjigje në ankesë nga Komuna e Mitrovicës së Jugut, me shkresat e bashkangjitura.

**Kolegji për shqyrtimin dhe vendosjen e ankesave ka administruar këto prova:** Ankesën e ankuesit përmes Postës së Kosovës të datës 05.10.2022 e cila në Këshill është regjistruar me numër të protokollit 5958/2022 të datës 07.10.2022 të parashtruar në Këshillin e Pavarur Mbikëqyrës për Shërbim Civil të Kosovës; Kërkesë për harmonizim të koeficientit të pagës nga koeficienti aktual i pagës gjashtë (6) në tetë (8) me numër reference 01-120/04-0087009/22 të datës 22.09.2022; Përgjigje në kërkesë me numër reference 01-120/04-0087009-2/22 të datës 26.09.2022; Konkurs Lëvizje brenda kategorisë për pozitën " Inspektor i Shërbimeve Publike" të datës 23.09.2022; Pliko me numër R2431490 i datës 05.10.2022; Kërkesë për përgjigje në ankesë me numër protokollit 6221/2022 të datës 14.10.2022; Përgjigje në ankesë përmes e-mailit zyrtar me numër protokollit 6617/2022 të datës 01.11.2022; Akt Emërim i G.I me numër 01-112-7604 të datës 28.03.2013; Përshkrimi i Detyrave të Punës për pozitën "Inspektor i Tregut" i datës 24.09.2012; E-mail nga A.F. për B.S. me numër protokollit 6225/2022 të datës 14.10.2022; E-mail nga B.S. për SH.L. etj. të datës 12.08.2022;

Kolegji për Shqyrtimin dhe Vendosjen e Ankesave, pasi ka shqyrtuar shkresat e lëndës të parashtruara nga palët në procedurë, konstatoi se ankesa e ankuesit, **është e bazuar,**  
**SEPSE:**

Lidhur me pretendimin e ankuesit për harmonizim të koeficientit të pagës për pozitën e "Inspektorit të Tregut", Kolegji ju referua nenit 19 të Ligjit Nr.06/L-114 për Zyrtarët Publik me të cilin është përcaktuar se: "Zyrtari publik ka të drejtë në pagë dhe shpërblim për punën e kryer si dhe shtesa të përcaktuara me Ligjin e Pagave", si dhe nenit 3 paragrafit 2 të Ligjit Nr.03/L-147 për Pagat e Nëpunësve Civilë më të cilin parashihet se: "Institucionet e administratës publike të Republikës së Kosovës janë të detyruara të paguajnë pagë të njëjtë për punën me vlerë të njëjtë". Andaj mbi këtë bazë ligjore e nisur nga konstatimi si më lartë se ankuesi është emëruar në pozitën "Inspektor i Tregut" me koeficient gjashtë (6) të pagës, si dhe duke u bazuar në shkresën e datës 19.08.2022 të

Departamentit për Menaxhimin e Zyrtarëve Publik si organ përgjegjës për përgatitjen dhe mbikëqyrjen e zbatimit të politikave për pagat e zyrtarëve publik, me të cilin është konfirmuar se pozita inspektor-klasa profesionale 1, ka të përcaktuar koeficientin tetë (8) të pagës, Kolegji i Këshillit konstaton se pretendimi ankimor i ankuesit për harmonizimin të koeficientit të pagës me titullin e punës është i drejtë dhe i ligjshëm.

Ndërlidhur me pretendimin ankimor si më lartë, Kolegji duke u bazuar në provat e lëndës ka gjetur se Komuna e Mitrovicës së Jugut konform kërkesës së ankuesit të datës 22.09.2022 lidhur me harmonizimin e koeficientit prej gjashtë (6) në tetë (8), të njëjtën e ka refuzuar me datën 26.09.2022 përkundër pranimit të shkresës zyrtare përmes e-mailit zyrtar të datës 19.08.2022 nga Departamenti për Menaxhimin e Zyrtarëve Publik, ku përcaktohet se pozita e *Inspektorit-në kategorinë profesional 1 duhet të jetë me koeficient të pagës tetë (8)*, kështu që mbi bazën e këtyre fakteve rrjedhë se mos harmonizimi-zbatimi i koeficienteve të ndryshëm të pagës për pozitë të njëjtë të punës sipas Rregullores Nr.26/2020 për Klasifikimin e Vendeve të Punës në Shërbimin Civil, rrjedhimisht në gjykimin e Kolegjit veprimet e tilla bien ndesh edhe me dispozitat e nenit 2 dhe 4 të Ligjit Nr.05/L-021 për Mbrojtje nga Diskriminimi si dhe nenin 7 paragrafin 1 të Ligjit Nr.06/L-114 për Zyrtarët Publikë me të cilin parashihet se: *"Menaxhimi i marrëdhënies juridike me nëpunësit civilë, me nëpunësit e Shërbimit Publik dhe me nëpunësit administrativo-teknikë dhe mbështetës, udhëhiqet nga ligji dhe bazohet, gjithashtu, në parimin e mundësive të barabarta, meritës, transparencës, profesionalizmit dhe paanësisë politike, mos diskriminimit, përfaqësimit të drejtë gjinor dhe të komuniteteve dhe synon garantimin e qëndrueshmërisë dhe vazhdimësisë në detyrë..."*, kështu që Kolegji vlerëson së janë të bazuara pretendimet ankimore të ankuesit mbi bazën e harmonizimit të koeficientit të pagës në pajtim me legjislacionin në fuqi.

Në rast të moszbatimit të vendimit të Këshillit nga personi përgjegjës i përcaktuar si në dispozitiv të këtij vendimi, Kryetari i Këshillit ndërmerret të gjitha veprimet në pajtim me nenin 21, 23 dhe 24 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, duke aplikuar edhe ndalimin e 50% të pagës mujore për personin përgjegjës deri në zbatimin e vendimit të Këshillit.

Kolegji pasi ka shqyrtuar shkresat e lëndës, e duke u bazuar në nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon e ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
Lënda, A.nr.874/2022

Çlirim Zeka  
  
Procesmbajtës



Vendimi i dorëzohet:

- Ankuesit
- Kryetarit të Komunës së Mitrovicës së Jugut;
- Udhëheqësit të Burimeve Njerëzore në Komunën e Mitrovicës së Jugut dhe
- Arkivit të KPMSHCK-së.